

黃陂縣志卷之八

同知升銜知黃陂縣事 劉昌緒重修
候選道前翰林院庶吉士 徐瀛總輯

人物志

鄉賢 仕蹟

賢哲所寄敬其人卽因以重其地靈秀所鍾過其地
卽從而想其人黃陂自唐宋以來程鄉坊爲二程夫
子誕生之室甘露山爲武濱兄弟講學之區木蘭頂
爲將軍祠墓所在之鄉報慈園爲孝子尋親得遇之
處孰非地靈人傑懿範堪思高山景行典型共仰者
乎其閒或見或潛或常或變雖蹤跡不一其合乎禮
義則一也輯人物志

鄉賢

士之修於家者志聖賢志言孔孟言及其出膺一命
道洽政治澤潤生民在位則感戴之去官則謳思之
旣沒則享祀之

朝廷之褒忠也榮以彝鼎小民之思德也愛及甘棠遙
遙千載可屈指數之矣志鄉賢

元

管如德任江州都統制能一手挽二弓世祖南征如德先登陷陣以功遷浙西宣慰使上時政五條累遷江西行省左丞招降廣東盜鍾明亮卒封平昌郡公諡武襄子瀄祖官至富川尹宏治開崇祀

明

丁普郎贈柱國上將軍封濟陽郡公從祀康山忠臣祠子孫世襲金鄉衛千戶洪武開崇祀事蹟詳見忠臣萬鈞學純正邑人稱曰萬五經洪武初召入史館上親

黃陂縣志

卷之八

二

試古硯銘稱旨賜御酒三瓶劉三吾贈以詩銘宏治開崇祀

陳寬性孝友俶儻相然諾事父母竭力致養歲入廩餼不私學使優獎之居家不愧屋漏爲司訓以樸茂先邑人矜式謂之陳邑博宏治開崇祀

王韓明敏沉重博通經史少失父事母以孝聞母卒韓時舉孝廉廬墓終制不赴公車有司屢勸駕乃起授戶部主事廉幹著聲後督浙江儲賦及清鹽竈事竣復命論績當陟秩尋卒於官錢塘瞿祐爲之記宏治

閒崇祀

鄧鑑永樂庚子舉人初授廣東海北鹽運副提舉尋任光祿署丞宏治閒崇祀事蹟詳見忠臣

汪頡早失父事母至孝母卒哀毀骨立結廬墓所凡三年晨昏泣奠悲號不已有二兔黃花巨蛇時近左側烏鵲常遶其室若依然者鄉人異之有司屢以孝旌宏治閒崇祀

熊宏少聰穎十歲善屬文博涉典故醕厚自持守晉甯勸農桑多惠政士民尸祝之堅志告歸不入城市倘

洋山水閒好修飾名節終其身無纖垢宏治閒崇祀徐尙彝端莊敦篤明性學宗二程嘗遠遊弟私鬻其產比歸弟忸怩不敢面妻欲督弟過彝曰汝烹雞招來責之妻治具兄弟歡甚妻慍彝解曰弟愧鬻產故不敢面我以友弟故圖盡歡全吾天性耳一日拾遺金於途待其人還之嘗有詩曰償債賣田全信義閒門教子忍飢寒督學胡公直嘉之嘉靖閒崇祀

彭鳳來宏治己酉舉人聰穎過人博通羣籍好吟咏千言立就令巴縣有政績善折疑獄召爲御史未及建

白卒於官嘉靖閒崇祀

杜時端嚴自勵務爲君子任揚州別駕咸以清慎勤稱之會歲大饑千里流亡無算部使者檄公賑濟公多方措置復捐已俸濟之全活甚眾後以疾告歸父老遮畱流涕車軹不得發嘉靖閒崇祀

蔡完嘉靖丙辰進士卓有雅操苦志力學爲孝廉時避囂鄂渚令蘭溪有廉名召爲御史未數月卒於京邸惟一破竹箱發而視之僅禮段粗葛各一爾無以殮耿御史鄭寺正爲之經紀其喪各僚醵金爲賻旅櫬

黃陂縣志

卷之八

四

以歸生平攻苦惜早世不竟其用然清風泠泠襲人矣萬曆甲辰崇祀

鄭佶嘉靖庚戌進士孝友篤行剛正不阿爲孝廉甘貧苦學石令高其節屢訪匿不見其令豐城也嚴嵩用事公無所徇改商城擒蔡馘盜民廟祀焉遷大理評事會給諫吳時來主事董傳策疏擊嚴嵩下獄或諷之予死公曰殺鯁臣以媚權倖奈天下後世何二君故得保全守雲南繩黔國公沐朝弼以藩臣禮謫判通州倭寇通主辦征繕有俘獲功世廟賜金再守

旬平叛會安詮解南中大患迄歸惟閉戶閒居兩爲
二千石月俸悉分給三黨家無長物公微時有以巫
蠱詛之者其人誑誤殺人論死公力爲白之得免李
太史維禎表畧曰公生平力折倖相驕帥如汲長孺
創倭策西南酋老成持重如趙營平歷任兩朝二十
餘年名在貶籍者居半抑何坎壈拓落哉然公所至
咸爲立廟稱名宦云萬曆癸未崇祀

任惟賢字懋功嘉靖庚子舉人性耿介篤志於學教授
弟子甚眾任清豐縣政績卓著歷任三任歸來貧極

日與耿恭簡講性命之理恭簡常曰昔之原憲今之
懋功也適有卹刑秀水某至黃陂公鄉鄰有兩冤獄
公代白之其人持金致謝公堅卻之且囑曰毋令僮
僕知之恐來求索也著有五經註釋行世萬曆二十
四年崇祀鄉賢長子任時次子任峴俱庠生孫三畏
三才俱庠生曾孫琦庠生元孫自任增生榮任武庠
保任國學生

李悅洪初陝右人以祖文秀由孝廉授蘄州學正因占
籍西陵之青紫鋪至今墳墓在焉公文行兼優以子

誠誥封奉直大夫萬厯閒崇祀

李誠戶部主事員外授永平知府隨推副使以直節立朝不阿逆瑾高尙致仕後瑾誅擢廣西右布政卒以邊功賜葬萬厯閒崇祀

方一鳳字瑞甫一字丹山世居黃陂之道明山弟與時少遇異人授祕訣靜久發慧唐應得羅文恭皆聯舟過訪然文恭獨心契鳳匾其室曰覽德鳳乃受學文恭貽以書曰歛聚精神精專所業推而至於服食交遊一切檢點此身便自樹立矣鳳乃建水洲別館集

黃陂縣志

卷之八

六

四方同志張甌山劉魯橋周柳塘熊道南諸公商訂切劑嘗與耿叔臺吳少虞鼓棹金陵晤徐魯源李士龍楊道南李繼明焦弱侯究極知行合一萬物皆備之旨又因天臺撫閩取道豫章訪李見羅蔡見麓羅近溪共質所學抵閩則五雲竹林雙臺芳洲龍江皆造廬就正歸而默坐潛心無閒隱顯居恒以樹人善俗爲己任邑人士亦爲學會請問安語則教之以切己自反遷善改過而已尋李見羅撫鄖邀之晤語深契其止修之學爲築室於二程祠右顏曰丹山止所

學者稱爲丹山先生萬歷閒崇祀

王霽嘉靖辛丑進士操履端潔父早卒事母至孝令吉水時朝廷行方田法日與羅文恭講求行之民以不厲補戶曹主事理密雲糧餉協謀督府以擒鹵功上特恩賞帑金守保甯會採木命下力爲調護夫役不擾嘗弭巨盜多惠政士民志碑碣祀名宦觀察雲南則戢黔國之橫解黎副使林參議獄等以太僕致政歸手一編若老博士絕不言時事憲使吳直畧曰昔吉水羅文恭生平最慎許可獨扁公之堂曰清白此

黃陂縣志

卷之八

七

可以知公矣萬歷閒崇祀子化熙以國學授蜀中同知克繼父風亦以清白稱

張天爵字南湖倜儻不羣性至孝母病刲股得甦每讀蓼莪泣曰爲人子者不可不知醫遂精岐伯術嘗活數百人施棺瘞骨建生洲寺於武湖以救危險子濤爲遼東巡撫萬歷乙卯崇祀

張濤字振海號山是萬歷丙戌進士初令富順多政蹟三年報最擢工科給事建言罷歸非公務不履邑庭家居著書十五年儲位定召諸言事臣起欵令制一

安諭又遷濟源授每卻寒士贄極貧者助以婚葬興復初書院與諸生講伊洛之學凡士習椎魯多方教之聞人冤抑力求解雪之署柘城令六閱月歲荒停徵止訟及歸行裝蕭蕭二篋而已家居十數載以伯子進士誥封侍御仲子孝廉郡邑存問有加未嘗一與外事喜爲鄉父老請命便宜治家有法讀堯夫集以自怡人謂之仁誠先生崇禎聞崇祀

張大猷字允升一字武程以壁經起家萬曆乙未進士甫九歲暮歸迷路有黃衣老人指引還家遺以紫金

黃陂縣志

卷之八

九

飛燕長善屬文張公山是器之許配以安人閔氏之妹公初任徐聞縣繼調香山童子試得何吾騶文爲冠軍何尙未娶公延至署中三年飲食服用悉具且捐俸爲擇配焉已而何秩晉相國則公之善知人也公歷戶部郎中出任廣平太守尋晉甯泰道浙江按察司廉使山西布政名宦四十餘載政事文章卓然獨立奉旨建坊綸褒三代壽八十四以無疾終其撰著最富祀鄉賢

吳之皞號北陽篤志好學初授霍山令霍荒僻多盜茶

稅煩重民多流亡前令逋稅以千計公下車卽控諸上臺請疏捐茶稅三之一招集流亡借存留額徵歲賦給牛種墾荒又力請上臺疏捐逋賦之半教民紡績歷野勸農而前逋始無遺累矣霍從無科目公課讀諸生講究書義作九經詳解訓之於是所拔士多高捷政簡刑清不事文網而霍俗漸化行取侍御按蜀風采尤著探知奢僇欲動疏其情形與督撫密謀禦變同事猶未信公捐俸增城堞修戰具飭將士扼險要而奢僇果叛郡邑多賴以全陞大理左少卿抗

黃陂縣志

卷之八

十

疏魏忠賢罷歸崇禎初旨下起用尋卒贈中憲大夫
崇祀

黃彥士字抑美號武舉與仲氏武濱弟兄師友人謂有二程家風後共登仕籍壘篴唱和幾四十年公初任太行不通權要一入臺中卽條上十事款策廢茶馬劾權璫之橫參總憲之黨舉朝爲之咋舌至於裁濫免緝客兵止汴米募丁壯矜土豪張萬兒名震京師遂有鐵面小黃之謠以公形貌短小也神宗嘗覽公奏曰黃御史眞君子後茶馬陝蜀復按中州革弊除

奸不避權要卒以骨鯁左遷公遂謝職不仕里居十載門徑蕭然日事講學他如拯溺救荒社倉保甲諸義舉邑中賴之屬纊時猶正襟危坐以學問爲倦倦焉年六旬卒多著書行世崇禎開崇祀

黃奇士字守拙一字武濱幼穎悟年十八舉孝廉時卧旅次家僮報公公復熟睡不爲意學於耿恭簡先生專求性命之理與兄武皋讀書於甘露山自署其齋曰心從一悟遠書足十年藏有司造請無一言及私邑有潭水病涉公力募浮橋濟之居喪循禮服闋上

黃陂縣志

卷之八

十一

公車得副榜幡然曰吾聞一命之士苟留心濟物恒必有濟乃就壽春學正設四科教士首德行次經濟三制義四騎射詩賦講學課藝風聲蔚然適有窮官遠櫬公請於達官力爲賙濟賑貧救苦在官在籍無二致也若踐信則聘死友鄧源湜之季女爲媳託孤則撫死友張脫塵之幼子成名宦壽春時纂神宗寶錄正文廟祭器修江北諸郡邑志都人士建黃夫子祠尸祝焉後遷南雍擢吏部司務尋卒著有理學雜著古史臆說聊以自娛半傭集等書子墀壬午孝廉

堦嘗舉庭訓云作文易做人難顯親易守身難崇禎
閒崇祀

張國勳字伯明崇禎十二年諡忠烈崇祀名宦鄉賢事
蹟詳見忠臣

鄧光舒字葆之萬曆丙午舉人博綜典籍深於理學頻
年訓徒署光山諭嘗捐貲爲貧生聘妻陞國子監博
士著五經疏義陞大理寺評事辨誣洗冤一時頌爲
法署騶虞迨守徵江愛民如子舊例重刑公止以笞
杖示辱廣郡荒遠土司普名聲擁兵不遜公馳檄諭

黃陂縣志

卷之八

十一

之立解幼嘗嗣伯父伯父年七十六舉一子纔三歲
公撫循教訓旣長悉將遺產授之乃復歸本生父後
生父從鄰家飲中席仆地而沒公遂終身不與宴會
賀對揚贊曰古貌古心守先王之道法立言立德樹
後進之儀型又曰兩袖清風嶺南太守一堂閒咏吾
黨先生崇禎閒崇祀

國朝

王默字貴一由孝廉授鳳翔府太守陰行善素喜活人
卽市中見魚鼈蟲鳥輒以金錢脫之子爾祿舉進士

放榜之夕環堵聞有螺蟲唧唧聲數日不散渡蟻飼雀報應不爽茲其流亞歟順治閒崇祀

王爾祿字天錫先世本貫黃陂因運糧流寓都門以清源籍成癸未進士來任三楚湖北學道衡文稱得人公父貴一奉直大夫未及尊宗而卒順治丙戌公督學將四年乃訪確陂族王勝係公嫡支遂聚族伯叔兄弟捐俸置田數十畝以供享祀而去後官歷太常卿兵部侍郎公生平慇直好讀難字古書重刻迪吉錄以勸世賑貧濟困戒殺放生其性然也後以壽終

黃陂縣志

卷之八

十三

於京師人士咸思慕之崇祀鄉賢仲子情襲蔭貢

胡天起字仰文博學嗜古雅慕周程之學不競時名當萬曆戊子大侵盡傾所有贍之且察里戚之貧不能婚葬者設法捐助偶拾遺金僕曰天憐主困所以報也公曰吾不憂貧天憂吾貧耶揭招以還其人敬三兄如父教九姪如子初艱嗣卽以其田產財物分給諸子姪晚乃獲子竟置舊業不問人言此呱呱者何賴公曰旣與之復取之非人情且天果佑吾兒幾見有好兒吃現飯耶環堵蕭然公自若也惟開館講學

至耄不倦若排難解紛片言折服遠近咸企敬焉後子明垣己丑成進士康熙五年崇祀

陳家棟字巨任事父母以孝聞撫孤姪如己子初遊京師忠烈楊公以首劾逆璫死在朝親故莫敢收者公不避斧鉞枕尸而哭緹騎出公白以大義收其尸而去一時無不壯其事尋以國學授建甯府尉潔已愛民不以卑官苟處繼遷平樂府尉每奉上聽多平反時出俸以贍貧民之難於贖緩者所至有治聲壽七十卒於衡岳官邸宦橐則蘇琴越劍外無長物也子

黃陂縣志

卷之八

十四

世昌歷官江南都督同知康熙五年崇祀

陳壽字龍伯生而穎悟五歲口授語孟輒成誦九歲通綱鑑性理諸書尤嗜詩喜清淡不屑帖括十五出試輒冠童軍二十六首受知於葛屺瞻先生與劉同人何綱卿齊名居父喪跣趾不去棺前流賊大至疑有財貨將斧其棺公跪泣曰甬刃予勿驚先人賊義之獲免經畧盧象升聞其事曰忠孝一揆此人不可失強致幕中屢出奇計俘獲賊無數盧公大喜欲舉貢不允後告歸與邑令李公鑑周公元泰籌兵餉製火

藥戰具凡三四年其戢秦總兵之畔兵勦楊遊擊之
奸擄條奏陂民之疲困於楚藩設法城守咸公是賴
且捐貲買穀千八百石安輯流亡里人德之甲申恩
貢不仕畱意內外丹法年七十以無疾終康熙五年
崇祀

姚承恩號淮濱性敏嗜學蚤失怙哀毀骨立事孀母數
十年敬養備至族之貧者田廬之難者救免之有連
負者還券不取壬午歲饑施粥存活以萬計岳州有
余姓者受誣繫獄公力爲解脫口不言德晚年與諸

黃陂縣志

卷之八

十五

名宿講究理學亶亶不倦長子繩虞弱冠遊庠仲締
虞年十八列賢書公永訣命曰汝雖博一第年尙少
慎勿妄受僮僕妄受田宅妄說人情顛倒是非致人
銜怨汝終身誌之己亥成進士任四川巡撫

譚封資政大夫康熙五年崇祀

譚德化字君明少攻舉子業恒忘寢食里有理學會嘗
裹糧赴講不閒寒暑性孝友適父病篤嘗糞以爲驗
兄爲奸人誣害公毅然以身代繫力白得脫戚有病
疫親故無過問者公爲調藥不去左右友人游蜀不

歸公代辦薪水給其妻子三年不倦偶道遇凍者垂斃公自負還家救活鄉閭咸服其德明末公爲流賊所執舉刃欲揮公大罵曰死賊乃敢傷義士耶遂遇害里人痛之子忠義已亥成進士康熙五年崇祀李元萃號瀟水少負經濟由辛酉鄉薦主政戶部時巨寇李青山嘯聚梁山運河梗塞詔簡才幹重臣設法督濟遂遣公勅以五日一奏報公單騎入賊營諭以大義不服隨聞道表賊情條奏方畧討平之擢天津糧道疏云用命者呼庚如火而司運坐廢逾年持籌

黃陂縣志

卷之八

十六

者粒米如珠而掛欠動經百萬非改絃易轍不爲功書上勅便宜行事舊例運艘幫齊始發石米水腳三四錢彼此相候食盡滋弊公命隨到隨發省水腳十餘萬軍民肖像祀焉巡撫馮元飈表其功擢薊遼監軍右參議及闖逆陷京公率孤軍襲殺以病創歸里陂邑糧里夫馬諸役爲民重困公議立軟臺法至今便之

本朝辟授建南兵備尋告休卒於家邑人莫不流涕康熙五年崇祀

羅明諭字元樞少冠多士十試棘闈中副車者五行文
講學爲後進指南以明經授應山訓置學田以賑單
寒設講座以教諸生士習丕變值寇亂士女多避奔
城城閉不得入公請邑令開城門設疑兵賊不敢逼
全活甚眾又單騎諭賊劉國論等降之撫軍上其功
陞零陵縣諭時桂藩有事禍及通學公力請當道白
其無罪卒賴以免士尸祝焉及歸有鎮兵叛攻城公
率紳衿分守公獨當賊之巨礮處曰此吾汎地也甯
死毋去率孫世珩親放伏狼機殺賊無算拒賊凡三

黃陂縣志

卷之八

七

晝夜賊退舉城得全皆公力也至其舉動一準於禮
賑飢恤難人尤德焉所著環翠樓集行世子二長應
光篤行博學克繩父道次應化文行兼優蜚聲膠序
孫世珩壬午鄉薦任河南浙川令皆稱公之積累云
康熙六年崇祀

姚締虞字厯升順治己亥進士初任成都府推官讞獄
平允辨冤抑數十條改令安化捐俸代輸逋負擢禮
科給事中戊午典試江西還奏請蠲逋賦二百二十
萬有奇又疏請停選擇例以絕內外夤緣轉工科給

事中因地震請開言官風聞之禁

詔宣付史館晉左僉都御史疏請錄宋儒周惇頤後嗣
爲五經博士又請復優免廩糧以培士氣巡撫四川
請免運楠木及白蠟諸雜稅剛毅清介禁絕苞苴屬
吏莫不凜然吏習爲之一振卒於官

賜祭葬康熙 年崇祀

黃陂縣志

卷之八

六

仕蹟

士君子得位乘時爲所欲爲者固已名垂鐘鼎勳載旂常夙哉莫可尙已下此而効一官之職邀一命之榮當其常而蹇蹇匪躬不懈于位當其變而慘慘畏咎靡事不爲雖政績各殊升沉或異要皆爲斯民免一分之累卽爲地方造一分之福者也志仕蹟

明

梅芳性樸實多大節任福建理問平寇有軍功其祭葬一遵家禮里人取則焉義方訓子三人登科致政歸

黃陂縣志

卷之八

九

絕跡公庭題其壁曰故舊不遺請託弗許

王坤清慎多才知濟甯州多惠政尤有修闢功人德之時麥秀兩穗黎淳爲之記擢後軍都督府經歷英宗命作戰車數百輛不日成之嘉其能親賜以酒後卒於官

梅霖爲人易直知南安州勦撒甸邊寇有功賜金尋卒宏治閒遣禮部司務齎青紵絲二舉行少牢祭禮明年遣千戶齎寶鈔一千二百貫仍行少牢禮祭

張克恭行尚端方初考入史館纂憲宗實錄授內閣中

書歷任郎中有政聲以抗直謫山西石州守決斷如神尋有二白兔出州人聞於上以賢能遷建甯府丞聞憂告歸值逆瑾不起

陳伯安宏治己未進士英爽有大節令章邱擢御史忤逆瑾調南兌尋謫丹陽教瑾敗召知靈璧時巨寇楊虎嘯聚公被擄見公偉岸欲納之公罵賊不屈欲刃之則瞑目以待賊驚異釋公乃請於上城靈壁民德之爲立祠官至副使

馮霄性簡重令鄆陵開雙泊河有功時志石曰馮公河

黃陂縣志

卷之八

三

又清匿地糧貧民不累以最績聞上嘉之

王寰任州守時有土官欲私之公持正不淄且摘發其故所與私者刑諸市土官啣之遂告歸窘甚遇凶年時僉憲沈行縣給粟二百斛公止受十石餘盡以分人今盛傳之

丁惟誠以鄉薦授水部樸茂真篤時學博世祿祝公曰余遊陂三年居里中不爲利而有言又不爲名而不言其惟丁水部乎爲之賦詩曰江海歸來日圖書不
滿車琅玕三畝竹鼓吹一池蛙好古心還赤憂時鬢

已華秫田須自釀霜信動籬花觀此可以知公矣
王守成性孝友讀書自墳典百家靡不精究以貢授剡
縣尉爲清白吏愛民感神當道獎之已而陞任乞歸
剡民哭留載道時有走問於其家者年八十一終
喻秉彝初爲楚府教授繼任陝州捐俸賑民民咸德之
後居家鬻產睦族邑令謝公廷蒞扁其門曰廉讓可
風

王守憲孝友性成取予不苟腴產盡付諸兄弟嘗卻暮
夜金任大昌簿以簿員爲冗設卽奏記載之尋用其

黃陂縣志

卷之八

三

議以抗直爲僚友銜乞歸尋卒大昌至今戶祝云
鄧應旂號碧川醇謹力學事親以孝聞撫兩弟教養兼
至撫諸姪垂老彌篤設館授徒講論開導不厭詳覆
時歲大侵力言於邑令煮粥濟飢瘞骸葬骨又請於
上臺給義穀若干賑活以千計屢舉行優以明經授
麗水廣文年七十四終

王化熙號後卿同卿月川公子也同卿嘗守嘉陵稱清
白吏行裝二篋付管籥於司行者冬夏衣衾外無一
長物至公以國學授蜀中二尹亦以清白著後子省

吾又以國學授蜀中二尹三世官蜀時論異之
余新明字安止孝友天植舉孝廉居喪一循古禮廬墓
三年居家未嘗一事干長吏後授階州守清慎廉平
擢西蜀兵憲丰采嚴毅一時僚屬無出其右

楊成性字存存初爲諸生名譽藉甚舉孝廉旋除易門
令分考選士所拔皆嶺南名宿政事文章大著於時
王一凱字君華號岐石弱冠舉孝廉時榜中惟公最少
文名日盛後游於耿恭簡之門講學二十年授武康
令兼署德清復調繁崇德旋擢西安同知所至政績

黃陂縣志

卷之八

三

有聲繼以病免歸與黃鄧諸先生講學甘露至毫不
輟邑令武公墓之造訪贈一紙書姓名八人曰此何
人曰盜也見公澹泊此可得百金公曰真盜法應不
賞假盜情則可矜二者之間父母何以教之相視各
笑而去年七十二卒

傅一元號仁齋少博聞敦實行辛卯歲薦初訓臨武繼
諭藍山以荊州府授致仕歷三任冬夏不撤講帷日
與諸生篤文章名教之樂士之貧者不惜亟問亟餽
焉諸若門役之貧不能室者捐俸妻之適有瞽者延

星士授術衣食之每陞任士民遮道不忍去臨藍兩
學各有去思碑頌焉壽七十三終孫可楷邑廩生
段養度字士雅素性節儉及登賢書益檢制自愛與兄
重其有狂狷之殊後爲延安司李大有政聲逾年卒
於官

范志琦字五雲爲諸生時不干聞譽力學探微登賢書
授湖口令報最陞同知政績頗著後歸里齒登六旬
以壽終

胡賓臣字仲庸少穎異嫻古文詞鄉薦亞魁聯捷進士
黃陂縣誌

卷之八

三

聲名藉甚授庶吉士館課屢次掄元凡策對多中時
弊惜以早卒未竟其用

萬一奇號九初性穎悟家貧無僮僕遇試惟友人攜手
同行而已後成進士任開封司李隨上臺查盤適遇
上臺壽諸同寅多求公詩文公於邸中一一構訖遂
伏枕不起時咸惜之

鄭明城字韋吾以恩選授大治縣訓錄貧士某捐貲養
娶逾二年成進士治人高其義旋陞銅陵令地衝煩
公蒞之揮霍有餘每課士輒捐俸供給文風日起後

子六多名士孫十皆邑庠生

周道東字行吾中懷坦率遇人以寬由明經授瀘州同知多所設施有政聲後致仕歸纂修舊志刻理學膚言諸書屢舉賓筵鄉里莫不敬愛之子若衡舉孝廉周道南字明吾以明經授武昌學博率諸生敦行課藝丕振士風乃不屑折腰賦歸來絕迹市塵郡邑仰之傳頌不衰子若崧任雷州司李

王惟善字伯初號石門性孝友事繼母數十年如一日弟性善早逝遺子女皆公婚嫁焉捐貲建宗祠春秋

黃陂縣誌

卷之八

十四

享祀咸備之復設館穀以膳族之賢而貧者歲祲又出數百金以濟族之極貧由明經任常州別駕清白自矢署篆宜興所拔多名雋云

詹先志號義卿長於會計凡錢糧加派權算難明者公獨游刃恢恢時有司恆賴焉舉孝廉授綏州司李政治嚴明稱一時才吏

周中極字是行有品度登賢書始署泌陽諭名譽藉藉旋擢四川眉州知州政績著焉子于蕃舉孝廉

李藏春字石闔號元闔嫻古文詞登賢書初任學博課

士有條理擢深澤令惠浹深民共建祠祀之復擢南
雄同知清慎著績挂冠旋里足迹不至公庭年八十
四屢舉鄉賓手不釋卷口吟杜詩而卒時人顏其堂
曰兩世文獻邑人士敬之

周貞允字思怙賦質純篤舉孝廉惟鍵戶讀書尋令霍
邱一任慈惠士民懷之子仲詵以恩拔授知縣季讚
舉孝廉

周若崧字叔翰少有才情北闈舉甲子薦授雷州司李
治行有聲卒於官

黃陂縣誌

卷之八

三五

梅灝字伯清性敏捷文章浩瀚見推三楚舉孝廉初爲
廣文繼擢蘭州知州

周昌允字燕及父蜚以葩經魁三楚名噪當時尋卒公
甘貧力學舉孝廉選彰明令撫字有方父老咸頌其
德後垂橐而還爲賊所害

阮國允字小孚學富家貧輒試前茅門下多名士尋舉
孝廉署興國諭教士有方惜爲寇所害

周道長字恆吾器宇魁杰初爲諸生與鄧黃兩先生講
學復優武畧易名昌祚以三科武舉授授黔鎮國將

軍勦水西土寇有戰功後卒於黔

國朝

張焜羅字三宿號甯侯少負才名爲諸生累試冠軍由拔貢除淮安別駕吏治最有條理課士所拔多名雋初署陽邑篆復攝海防皆有政聲嘗值火災公至虔禱立滅後因河決汴口公力任河工遂以勞致疾卒時論惜之所著退菴集行世

蔡紹芳號衡庵尚氣節初以太學遊京師授高郵判通漕漑田有治河年紀行世繼擢關中苑馬監正繕城

黃陂縣誌

卷之八

三

飭軍復多政績河功馬政六曹所難公蓋兼優云

彭之位字伯求號立人生平力學己丑歲薦任長沙廣文捐貲修學生徒翕然宗之擢河南信陽州州判清介有聲署真陽上蔡兩邑所在謳頌後卒於官

吳之瑄字伯玉以明經令粵徐聞縣初至殘黎僅數十家公招集流亡遠近歸業時粵多盜惟相戒不入徐聞有賊魁王漢督撫招之不聽曰但得吳徐聞一言卽投戈矣公慰諭之果降又與諸生講究經術因相約能招流民三家者以兩家田稅公而以一家田私

於士兩載後起科於是民益廣田益闢三年田以萬計乃竟以前任糧事罷歸家居惟課子督耕後歲饑以所耕積粟賑之年六十二卒

劉燦字耀冕善詩文工楷草天順間由庠生膺薦爲陝西督鹽正使勤慎不濫取一錢正德間奉公踏勘荒災以勞瘁卒貧不能歸客葬慶陽北門外

傅乃根天啓甲子舉人崇正甲戌就衡陽教諭戊寅遷鳳陽知縣歲歉民飢力請弛征省役捐修城堞工甫竣流賊突至邑賴以全庚辰擢工部屯田司主事崇

黃陂縣誌

卷之八

三

正壬午直省旱蝗公卿議蠲逋負乃根曰救荒不如薄歛請蠲不如勿加今新餉日增而舊欠是卹何異止沸而添薪耶在廷避之罷歸講學二十餘年經年不入城市年七十七卒

胡明垣字衛公順治己丑進士選鎮安知縣時伏莽爲暴民甚患苦公擒之斬渠魁三人懸馘通衢餘孽以靖尋遷鳳翔同知

鄭滋字方至少孤母王氏苦節撫之中順治戊子副榜授新甯知縣時粵中初定賊繡花鍼倡亂公募敢死

士捕之賊首乞降黠民以告變因誣大姓時議均欲
勒兵搜討公單騎入山察無亂狀坐誣者罪政聲大
著

翁擇庸康熙丁卯舉人署竟陵教諭陞德安教授培植

學校整肅士風陞盧龍知縣以年高請休

以上五人從
府志補入

戴治盛字際隆順治壬辰進士任霍邱知縣撫輯凋殘
修舉廢墜政尚寬和不事鞭朴三年報最告休歸後
入霍邱名宦

詹龍翔字飛九以舉人任蒙陰知縣邑屬通衢驛苦差

黃陂縣誌

卷之八

三

多馬少公力請協濟驛困以甦又丁少引多鹽課多
小民賠累詳減鹽引之半涖政十年循良卓著陞平
涼同知致仕

歐陽和字角李號三楚一名心學居高邑里本性李嗣
舅氏歐陽子嘉以鳳陽臨淮籍中明永樂壬辰三甲
進士除湖廣常德府知府洊陞兵部副使轉按察使
司有賢聲上錫以嶽峙淵清匾額閣學焦芳有聯云
筮仕冰心清折獄遷官鐵面頌廉堂旋擢布政使司
未一年卒於官天順六年奉旨回宗子三長次復姓

李季仍歐陽不沒舅氏宗也事績載臨淮志

杜子喬明嘉靖丙午舉人居近高廟前有港下通漢江
眾病於涉公首倡修橋落成適鄉榜報至故有杜舉
人橋之名仕雲南潞州知州教化大洽以杜父稱遠
孫維祺登同治壬戌賢書

李開達崇正科舉人授建始縣尉與賀文忠公爲金石
交爲其母作墓誌銘

陳光龍順治己亥進士任南陽推官活冤獄七人廉明
著聲改補平樂知縣值逆藩叛公率士民固守會潰

黃陂縣誌

卷之八

三

奔開門迎降遂乘間奔軍門隨征三載有功事平陞
梧州同知招撫流民勞瘁成疾遂致仕

王命珣字子良重孝義以廉能自勵順治戊子拔貢任
廣東潮州府通判攝郡事近海患盜常劫海運請兵
擒殲渠魁洗其巢穴迫於飢寒者給貲使改行復聯
保甲以靖之潮民安堵運艘無驚善政甚多當道忌
其才遂致仕予以郁邑庠生次旭湖南盧谿慈利訓
導三遵軌歲貢生四遵軾邑庠生

黎時舉字健齋順治丁酉舉人爲四川長壽知縣時寇

盜未平公親赴王營請兵勦撫求勿傷一人王嘉許之全活數千計事平清丈公以蜀民初出湯火請毋加額後罷官家無長物母歿哀毀骨立夙以孝稱楊兆傑字又仁順治丁酉舉人康熙初授大理府推官治獄多所平反擢兵部主事條奏節冗費清盜源及請裁提督文武兼制申議楚糧皆練達中機宜安南王黎惟禧逐都統莫元清流寄雲南公與翰林修撰李蟠同往諭之俱假正一品服初至惟禧殊簡傲公引禮切責惟禧懼出郊迎

黃陂縣志

卷之八

三

詔拜伏如禮於是令還高平四州地安置元清還報權淮關以父喪歸

楊乾亨以例授澄城縣知縣置義倉立義塾勸課農桑作養人材一縣大治百姓感其德者曰有官如此何敢非爲自是獄訟日消囹圄草滿上司聞於朝擢升中書科中書舍人薦升鴻臚寺卿未久卒於京

王貞度字用昭委曲承親篤愛兄弟補增廣生循例選直隸房山知縣衝要多盜緝捕如法民得安堵以失察里吏議復任雲南蒙自縣蠻民獷悍馭以善政漸

知向化以憂去起補直隸維澤令講求富教有術
病卒於官民制德政幃哭祭者千人

王遵度字次同康熙癸卯舉人任道州學請濂溪裔陸
襲博士陞壽張知縣活冤囚數人立義學憐拔孤寒
歲饑不待申請發賑疾歸出困粟賑鄰里人咸頌之
著有聽湘集乾隆五年修

國史崔中丞以其行誼著作賫送於京子謨次文藻俱
邑廩生

陳坦字文度壬子舉人由漢陽縣教諭陞河南鄆城知
黃陂縣志卷之八

三

縣除私派活冤囚丁艱服闋補宣化縣地居邊鄙公
至弭盜興學會蝗爲災公齋宿虔禱請移謹於己蝗
遂滅陞主事員外郎卒

冷又煦字東濤戊午舉人署攸縣教諭考最陞奉天錦
縣知縣旂民雜處公禁絕派累申嚴堡規威惠並行
盜竊匿迹卒於官

楊乾晉字晴夫初授山西猗氏縣緩催科勤撫字放告
之日准否當堂批示胥吏無敢作奸同府有臨晉縣
以逋欠員缺督撫廉公能欲委署之藩司另詳委員

撫憲批云臨晉地險民貧必需得人非猗氏縣不可
公到臨晉查逋欠情由皆本縣人充督撫書役拖欠
多金公首治之遂聞風惕息積弊頓消卓異內升戶
部山西清吏司主事轉本部員外郎升刑部郎中出
守河南開封府政蹟載猗氏開封名宦實錄其詩詞
雜作見山西諸先正文集者居多子廷藻東流知縣
孫函筵函清俱邑庠生

冷宗昱康熙辛未進士官鴻臚寺正卿文章宏博任言
官時多所建白

黃陂縣志

卷之八

三

王遵素字采受讀書目下十行詩詞古文俱工早失怙
敬母事兄始終弗怠輕財好施解人之厄親喪致客
數郡哀毀誠敬爲鄉里矜式康熙癸酉舉人考授內
閣中書改任監利教諭諸生有罹奇冤者極力昭雪
得平反士林專建生祠以委勘水災傷暑年六十二
卒於官學校士護柩送歸著有武坡全集行世子本
華本畢俱邑增生

胡傳號集三事親孝學問純正尤究心宋四子書授徒
多所造就補武昌司訓教士有法黜華崇實子五長

一雲嵐舉人次雲嶺歲貢餘均列膠庠

吳鎬字雍左康熙庚辰進士由徐聞知縣歷部郎遷御史以疏請建儲謫發軍前後蒙宥回籍中外想望丰采未幾疾卒

姚華字實齋中丞少子乙酉科領鄉薦性揮霍敦禮讓任戶部主事經理一切奏報之事多出寬簡及去官囊橐蕭然

姚謙號婁園締虞三子由中書歷任兵部主事戶部員外郎轉刑部四川司郎中任貴州威甯銅仁知府安

黃陂縣志

卷之八

三

戢苗民恩威並濟開紅苗三不管地三百餘里招徠流戶二千餘家陞山西兵備道紳民奔省泣畱未調政績至今傳之遂居銅仁

童式廣號蘭麓康熙辛卯副榜雍正九年授四川眉州判逾年遷天全州同州本土府改置爲倡禮教俗以文明十二年隨果親王送喇喇歸藏凡往反應對牋奏俱出其手陞武岡知州恩威兼濟政簡獄清捐修鰲山書院身親課導士民德之致仕後布衣粗糲筆墨自娛著有考辨六書音義剛駁正字通五六易稿

爲正字通校三十六卷

童式度號魯鳳邑廩生任松滋縣訓導陞任崑山縣道
由荆入沔時夏賊狂逞趨詣荊州阿將軍所助以餉
請急治賊訖乃赴任始下車見簿書芴謬又多豪族
爲民病慨然曰某當効職於茲乎爲制以禮法三年
弊漸剔清勢宦某欲構陷其所隙使來囑餌以遷秩
拒之曰吾守分循職猶恐不足焉敢爲此囑者曰君
獨不畏彈章耶答曰吾卽畏彈章獨不畏頭上公耶
挾勢者於上台索疵之撤任卸篆時士民泣餞百里
黃陂縣志 卷之八

勒石頌德

劉定麟康熙辛卯舉人乾隆己未進士任湖南綏甯教
諭以苗學滋事罷歸著有陵川文稿行世

李功永康熙癸巳舉人任聞喜知縣民情愛戴
向德華康熙甲午京闈舉人歷任知縣有政聲

謝雲從字龍友初任縣丞陞永康知縣教民節儉平治
訟師內陞 部主事差督東粵鈔關禁額外多取商

賈悅服差滿致政

詹先用字用二歲貢生授吳橋知縣俗最澆漓奸宄竊發又值軍興旁午供億繁雜公由嚴保甲時勤講諭捐資代完逋負民得休息後以老病乞休

熊正朝字贊廷由貢生任龍興衛經歷署麻哈州事苗叛出征生擒二百六十餘人後中蠱毒卒於軍中

徐大鏞字間笙康熙歲貢任湘潭訓導調襄陽教諭陞襄陽府學教授宦橐蕭然惟以圖書自娛孫光勳庠生

黃陂縣志

卷之八

五

李元尹字子任康熙歲貢任隨州訓導勤行月課多士均荷甄陶立門禁簿命書門守候稽察庠生無敢出入州署者其修理學宮捐俸倡首鳩工庀材不辭勞瘁文廟一新世皆稱爲漢東師表焉

陳于連字商子歲貢生龍陽教諭歷陞刑部郎中能片言折疑獄綽有吏才早卒

姚諧字栗岡繩虞次子嗣爲締虞長子由國子監學正充纂修官陞姚安知府遷山東東兗副使治河賑飢

癸未

聖祖仁皇帝南巡賜宸翰一幅畫扇一柄並臨董長箋服
勤鄒魯匾額陞安徽按察使丁亥扈

駕遵辦濬河善後事宜又

賜砥廉隅匾額司臬五年政平訟理清慎著稱解組歸在
薛家湖建一樓敬奉

御賜書字旁置花卉朝夕吟咏自適絕口不言仕宦家居
十餘年而卒

姚讓字陟汝諧弟少隨父締虞官蜀撫父歿隻身扶櫬
還服闋由歲貢任翰林待詔歷部郎出守福州廣州

黃陂縣志

卷之八

三

濟南三郡皆省會要衝公肆應有條在在以明慎稱
姚哲字睿臣締虞長子初任新田教諭遷樂安知縣以
廉能薦陞眉州知州晉平陽同知盜息民安陞黎平
知府清慎明恕不憚勤勞至今崇祀名宦

謝夢弼字巖臣歲貢生任桂東教諭時文風凋敝學多
缺額公首修學宮振興文教額始足遷伊陽知縣歲
歉民逃公招來撫卹民氣頓生丁艱服闋補安平縣
督修鐵索橋捐修義學尤善體彞情凡苗民子弟一
體入義學講肄錄取入泮內陞都察院經歷去後閭

邑感戴立祠以祀

張其閔雍正癸卯舉人丁未成進士任知縣有政聲
胡醅慤雍正乙卯舉人歷任知縣皆有政聲

徐大乾字資萬康熙壬寅歲貢准作雍正癸卯恩貢選
麻城教諭舉行月課凡以文爲質者必爲之盡心講
改寒士入學不取卷費士論重之惜到任不久而卒
蔡覲揚號稚泉雍正戊申廩貢授京山訓導敦品力學
教育生徒未有倦心邑士咸欽師範焉年七十四卒

楊廷藻初授南漳司訓陞安徽東流縣知縣才思敏捷

黃陂縣志

卷之八

三

洞悉物情凡有爭訟一經剖斷兩造帖然闔邑紳耆
欽公德義特書范文正公義田記贈公製屏一架以
誌愛慕不忘之意至今猶存

楊廷薰歲貢考授河南新野縣知縣下車伊始緩催科
以勤撫字嚴保甲以清奸宄凡詞訟計道里遠近以
定讞期自是庭無畱獄野少頑民上司知公清慎提
補中牟縣未就而卒

王立成字紫田幼喪父能擇師友以自成立孝事母好
義舉以廩貢生選均州訓導化導多方士林翕服著

有滋萼齋文稿行世

王立感字至誠孝事嗣母如所生性至敏潛心理學通經史幼有神童之譽年十三入泮旋食餼母喪哀毀骨立以廩貢選麻城訓導日率諸生講學楷模程朱以誠敬爲宗士林多所變化著有制行要錄春嶺全集行世

李金臺字然山乾隆戊午舉人壬戌成進士官翰林文有奇氣衡鑒甚精戊辰會試分房三鼎甲皆出其門一時傳爲盛事著有然山文稿行世

黃陂縣志

卷之八

三

王作朋乾隆戊午舉人任穀城教諭保舉陞河南汜水考城知縣庚寅同考試官治民多惠政清勤著聲內擢鑾儀衛經歷

劉龍光乾隆甲子舉人乙丑成進士戶部主事歷任御史典試貴州取士得人轉工科給事中乾隆二十三年奏請歲科試改增試律

詹世适字開六乾隆甲子舉人壬申進士陝西藍田四川酆都知縣著有詹南宮四書文行世

易世誥乾隆壬申舉人中明通進士任福建沙縣

仙遊知縣補興化府同知清慎愛民剛正不苟小節所治有聲嗜學至老不衰手鈔經史文集數百部刻有蘭村時文年七十六終

詹起謨字乃文乾隆丙子舉人任黃梅縣教諭去時士子有詹公遺愛碑

吳之翰原名偉業字俊軒乾隆庚辰舉人調署虞城虞有孀婦撫孤饒於財族人以圖賴案謀中傷公昭雪之並不召婦訊上官屢駁不爲動府家奴脅以需索杖逐之案遂定值文試巨族許以五百金託人關說

黃陂縣志卷之八

堯

求縣首公歎曰吾猶望子孫讀乃以朝廷功名易賄乎辭之峻而許亦服旋授永甯閏八月終於署篋無餘資士紳爭賄之乃得持喪歸

姜開陽字星六乾隆壬午舉人辛卯成進士由刑部主事授浙江紹興府知府判斷明審長於吏治歷任浙江按察司福建布政司及放安徽巡撫未到任卒年七十餘著有次齋時文三集刊刻行世嘗捐貲買潘家河沿房屋三座設黃陂會館爲會試舉人棲息所通邑人至今感頌立主祀之

蕭廣運字省齋乾隆己丑庶吉士檢討孝友溫恭好學不倦喜施濟歷任江西主考貴州學政衡文取士風清弊絕以母老乞終養居家十餘年潔已儉約不入公門但教讀自給而已母年九十餘終哀毀幾不欲生服闋陞任河南雲南等處監察道御史與河南試差有要官囑其子公怒而揮之清風高節近今罕有卒於京師年六十餘

蕭應運字謹齋乾隆乙酉舉人丙戌進士初任山東海陽知縣善聽斷丁艱服闋調浙江太平縣又以丁艱

黃陂縣誌

卷之八

早

調河南商城縣葉縣地當孔道號爲難缺公才情揮霍任之裕如後調鄆陵致仕歸

周 漢乾隆庚寅舉人壬辰進士任山西靈石知縣有政聲

徐正蓮字荷屋乾隆庚寅歲貢選長樂教諭後調鶴峯州學正性嚴毅每日五更卽起爲門徒講解經義皆肅然聽之無敢懈在官在家皆然告歸後九十一歲終子光熙邑庠生

蕭鴻運字南渚少孤家貧刻意讀書授讀戚家歲修俸

錢八串除日放館資所支千數百文歸中途以與相識乾隆辛卯舉人授穀城教諭時川省教匪逼穀城公同縣營守禦書身無尺柄心有寸誠八字置荷包繫於帶會總兵彭之年馳援圍得解長官上其功陞保定縣知縣連年蝗災初與保定人捕蝗次年蝗不入境又勸地方耕讀親課其秀良自是保定人應試倍往日每折獄觀者如堵所斷結無不悅服任事三年求去官歸交卸時手選制錢五百文納庫謂曰其細雖甚願官項且免子孫賠繳歸田清貧如昔日卒

年七十一

彭念祖乾隆丁酉舉人任湖南甯鄉知縣民情愛戴

袁春鼎號蕙山乾隆庚子舉人丁未進士選授浙江武

義知縣調補慈谿知縣充戊午辛酉甲子三科浙闈

同考官門下多名士初宰武義時潮水泛溢迺引咎

自責以署匾置水中潮隨匾退民賴以安後宰慈谿

值歲旱虔禱三日甘霖疊沛是歲大收邑中名士多

贈以詩卒於官

蕭超運字冠雲乾隆癸卯舉人授麻城教諭教誨生徒

不辭勞瘁門下多知名士德行文章闔邑景仰臨歸
設祖席者數十里陞襄陽教授卒於官著有黃陂縣
志畧古今同名錄默守堂制藝子三長益葵庠生次
益菴歲貢生三益蕃庠生

陳道塏號爽亭月樓子乾隆癸卯舉人選南漳教諭時
漳有獲教匪交通書者邑侯欲誅之塏以書多不實
請焚之以定人心境內以安性慤勤著有逐日故事
詩三百六十首待梓

黎燮字理堂乾隆戊申舉人嘉慶壬戌進士翰林院庶

黃陂縣志

卷之八

三

吉士散館選江西泰和陞任甯都直隸州清介自矢
罷官後家無長物處之宴如胞姪伯堦舉人孫大鈞
舉人

鄧樅字梓園乾隆己酉舉人補直隸肥鄉知縣歷任香
河武強柏鄉高邑知縣安州知州政著清勤民心愛
戴

楊廷燕歲貢生授遠安縣訓導恬淡嗜學樂育英才一
時門下受業者多取高第有司取其教學之法著爲
成規刊之以示幼學

劉彬士字筠圃乾隆甲寅舉人嘉慶辛酉進士榜眼
第授職編修丁卯順天鄉試同考官辛未會試同考
官歷任湖南順天學政江西江南大主考大理寺正
卿廣東香差浙江巡撫兵部侍郎倉場總督戶部侍
郎轉刑部吏部侍郎署刑部尙書卒於京公自幼聰
穎謹厚動止一遵禮法父老多器重之泊居官不以
結納植私黨不以參劾沽直名無苞苴之私無聲色
之好其撫浙時用人行政多率由卽仙舟先生舊章
浙人士至今稱頌之其任倉場與刑部時認真辦事
黃波縣志 卷之八 三

積弊一清以故屢蒙

聖眷迭掌文衡忠愛自矢喜怒不形人皆以盛德君子稱
之著有海塘紀畧春山堂詩文行世

王來遊字秀升能文工詩畫事母至孝乾隆甲寅亞魁
歷任四川樂山蒲江鄰水琪渠等縣知縣所至有政
聲士民愛戴致仕掌教錦江書院作育人材多所成
就年七十二著有謹齋文稿蓉鏡軒詩集度鍼要言
行世子之湘道光丁酉拔貢

劉紹瑄乾隆甲寅舉人嘉慶乙丑進士授陝西延州調

長安旋守禮主講荆南書院服闋選授貴州銅仁都
勻府知府歷署石阡黎平遵義貴陽等府兼署貴州
兵備道惠浹元黎致人歌頌陝西貴州鄉試同考官
衡鑑不爽予告歸主講鹿門墨池河東等書院緝制
藝家稿梓行

楊士升初任枝江司訓升河南太康縣知縣下車時歲
大饑黎民幾難朝夕公弗忍着胥吏旋里廢產一百
四十餘石以賑濟之一邑賴以生後解組士民泣送
數十里頌德不忘其餘治蹟甚夥太康志最詳

黃陂縣志

卷之八

四

李培元號春泉乾隆乙卯舉人嘉慶丙辰進士由主事
薦陞員外郎生平好讀書喜引掖後進至任京秩猶
以教讀爲事及門登高第膺顯宦者甚多子之瑄字
小華嘉慶癸酉舉人甲戌進士翰林院庶吉士武英殿協修
王宗槐號樹三性耿介嘉慶戊午舉人補江西太和縣
年饑賑卹民大感戴遷吉安府蓮花廳同知不得於
上遊被劾去官事白復職不赴任主講白鹿書院士

風變化

吳杰字畚恬嘉慶庚申舉人辛酉進士翰林院庶吉士

散館以主事用陞御史兵科掌印給事中江蘇鹽法道未赴任性倜儻好振拔寒士任言官時多所建白不附權要晚年以老乞歸主講晴川書院

劉德銓字伯衡嘉慶辛酉解元壬戌進士補四川巴縣謁先賢李文簡公墓平囑鹵以匪治匪而民不驚作內監試杜考官弊有鐵面之名結宿案紀青天之號後署潼川府守禮服闋揀發雲南調元江直隸州署曲靖臨安等府協修雲南省志阮芸臺先生謂有史公之潔著有前後課躬二集已刊行世又刊李然山

黃陂縣志

卷之八

四

先生文稿行世所纂有學庸精義古文選要時文大雅待刊

袁植修號樹堂春鼎長子穎悟多才十三齡補弟子員由附貢援例授廣西知縣歷任隆安博白崇善平樂宜山等縣知縣賓州永安上思等州知州署平樂府通判所至皆有政聲上游引重凡事多委辦之過勞成疾年五十卒

胡建瀛號若東幼通經史兼工書法品端學粹見重士林嘉慶甲子舉人任興國州學正課士衡文勤而

且嚴與文武生談論委曲詳盡子春煦副榜春煜春焯郡庠生

涂國用字枕山少穎悟嗜學每得奇書佳句必纂輯成編年十七補博士弟子員家甚貧課讀益力其爲文以天崇

國初諸大家爲宗嘉慶戊辰解元丁丑進士刑部主事嘗捐俸增修京邸會館公車北上者便焉

王鼎銘字新溪嘉慶戊辰舉人已巳進士選浙江桐鄉縣知縣調署石門知縣候選同知存心濟物因地制

黃陂縣志

卷之八

巽

宜清而不刻慎而不蕙勤而不苛有始有卒是以去思之誼久而不忘今其家門鼎盛子姪多得科名諸孫皆列庠序

陳道坦字漢皋入陝西南鄭縣學嘉慶庚午舉人甲戌進士歷任東臺上元轉陞南雄直隸州廣東潮州府運同所到之處民皆愛戴呼爲青天以病赴香山縣就醫卒於寓中年六十二

周承錦字絅堂嘉慶庚午舉人甲戌進士授河南濟源知縣勤撫字勸農桑多著善政丁艱服闋陞內閣中

書不就轉甘肅鞏昌府隴西縣清慎愛民咸歌頌焉
卒於官

王承禧字露巖少穎異嘉慶庚午舉人授鍾祥教諭陞
安陸府教授主講蘭臺書院日率生徒講學以先正
爲程門下登賢書提南宮者十餘人送有如坐春風
匾額生平敦古誼重氣節周卹貧乏廣培士類歷官
十八年而囊橐空如也著有凌霄書屋文稿行世
胡春煦號籥亭嘉慶癸酉副榜更名興銳任穀城縣教
諭秉性剛正文武生訟者輒面斥其非使之止如受

黃陂縣志

卷之八

七

人凌辱無不極力護持凡寒士贄必却之奉文勸捐
勸團闔邑服其公正司鐸九年而卒櫬歸日路祭者
數百人哭而送之子樹森孝廉方正

王之斌字粹珊性篤摯事親孝嘉慶丙子舉人道光己
丑進士以主事僉分刑部補河南司總辦秋審升署
京畿道監察御史吏兵工各科給事中條陳時政叅
劾貪劣及粵賊擾楚請嚴軍令皆奉

旨通行陝西白水縣民感其劾去酷令祠而祀之出守河
南歸德府兵燹之際毅然自守賊知有備而退生平

敦古誼重氣節教子有義方著有知退軒全集年七
十七卒子錫銜甲辰舉人官遼州直隸州加知府銜
涂國罔號樸山聰慧絕人年十九入邑庠嘗見賞於朱
詠齋朱九香兩學使旋中嘉慶丙子副車十膺房薦
三次堂備補光化學博以德藝兼修爲諸生勸金殿
山贈詩云宦情詩思清如水人品官方重似山致仕
歸人作去思碑以誌其德教云

金光杰字殿山爲諸生時卽有盛名屢試冠軍嘉慶丙
子優貢戊寅舉人庚辰進士翰林院編修河南道監

黃陂縣誌

卷之八

異

察御史掌福建道監察御史署兵科掌印給事中喜
汲引後學邑公車北上每科二十餘人凡少年作文
者往往獎勉之丁酉科充順天同考官所得皆老成
士時論美焉子國均戊戌榜眼

陳輝甲字冠山嘉慶己卯舉人庚辰進士改翰林院庶
吉士散館選湖南常甯知縣治獄多平恕每堂斷後
勸人孝悌力田勿事爭訟士民感之子駟門成進士
分發陝西

蕭良城字漢溪道光辛巳舉人癸巳二甲進士翰林院

編修累官詹事府右春坊右庶子兼日講起居注官
銜咸安宮總裁丁酉充浙江副考官旋任湖南學政
癸卯

上大考翰詹

欽定一等第四名升翰林院侍讀丁未大考

上賜江綢袍料一卷咸豐元年聞繼母訃回籍壬子冬粵
匪入鄂癸丑

上命辦理本省捐輸團練以父衰就近辦理本邑著團練
三說激勵鄉人服闋父年逾八十例得終養與妻喻

黃陂縣誌

晃

氏奔走侍奉於險阻艱難中迄終父制告病在籍當
事屢以公事誦諉謝不敏勉允勸貲襄修會垣貢院
因以餘款修復邑之縣署而次及考棚邑中疾苦聞
爲言諸當事嘗與鄂撫胡文忠公論軍事惟在謹慎
好謀而能斷文忠冀其共濟欲入

告 固辭以老朽不足爲用文忠知其不可強顧每於
存問必爲告邇日軍情何如陂之城圯無可守又髮
捻往來所必經不堪蹂躪 諭子延福趣邑尊籌所
以修城浚隍九越月城成自是賊莫能踞城以焚掠

四鄉先是官中允時商城周芝台相國保選河工力辭未可迄引

見記名未命往 喜且感曰

上益以清白勵我矣其督學湖南踵前兩任覆轍後矢慎矢勤嚴於取士禁僕吏爲奸捐供億之煩而無當者語人曰吾子孫須讀書吾不肯喫子孫飯官翰林十九年品學爲同時仰重問業後進接踵於門自京歸恥與聞地方公事與鄉父老族人爲布帛菽粟之談慤慤勸勉人咸敬信鄰省本省各當事爭推爲山長

黃陂縣誌

卷之八

五

歷主講河南大梁彝山河陽本省龍泉晴川書院其所教本之格致誠正一以黜華崇實爲要卒年七十邱文藻字采臣道光壬午舉人家素封而讀書勤苦勝於寒士屢次畱京成庚子進士分發山東所至皆有政聲團練防堵多著勞績仕至彰德府知府候補道張寶鎰字企唐道光壬午亞元善於教讀一時成就人材甚衆著有書屋一燈行世授興國州訓導

黃士箕字星橋道光乙酉舉人丙申進士分發浙江充丁酉科同考官署平陽知縣在省城讞局平反疑獄

數起精明過人目炯炯有光料事多奇才子雲鴻同
治庚午舉人

諶士俊字虞門道光戊子舉人大挑一等呈請有志觀
光願就教職選南漳教諭訓士有方因督勇禦賊保
舉知縣選江西餘干縣有惠政保加陞銜子瑞雲江
西彭澤知縣

劉誠倬號稚筠蔭生太常寺博士嗜學工書道光辛卯
舉人乙未進士由戶部郎中補山西澤州府知府清
廉平恕接屬員以禮撫部民以仁卓異候陞道

黃陂縣誌

卷之八

至

陳啓華號雲林壬辰舉人性間曠喜植花木築小圃種
羣芳以自娛聞有異卉道雖遠必致之嗜吟咏著有
雲林小草以暢其情焉仕枝江教諭

丁雲章字倬然道光甲午舉人丙申進士分發四川充
丁酉癸卯甲子同考官歷任鄰水威遠筠連南江南
部安縣知縣天全州忠州直隸州知州所至皆有惠
政候選鹽運使司運同居官儉約無異寒素時

金國均字可亭光杰長子道光甲午舉人戊戌進士由
編修仕至翰林侍讀

上書房行走

欽加侍講學士銜典文衡者五所拔多名士有內躋卿貳外任封疆者性豁達大度不慕榮利不屑奔競一時當道多推重之後以親老乞假歸養親十餘年服未闋卽棄世年甫五十

袁鳳修號五樓敏而多才屢試不售援例授四川鄰水知縣比到鄰革除鹽務稅契諸弊政士民歡悅商吏忿怨時有沮之者答曰國家設官以衛民也有利於民者必極力行之害於民者極力去之以一聯署其

黃陂縣誌

卷之八

至

堂云跟前百姓卽兒孫莫壞兒孫榜樣堂上一官稱父母須畱父母恩情嚴緝嘔匪盜悉潛踪時行月課士皆鼓舞捐俸周濟寒儒不畱餘力旋補定遠縣加同知銜卒於官

姜元吉號文圃星六公胞姪由附貢任雲南順甯府知事軍功陞經歷歷署緬甯通判琅井提舉司臨安府同知姚州石屏州知州大姚縣知縣實授建水縣知縣年六旬歸善醫理施捨藥材濟人甚衆著有滇南詩集天涯吟二冊

姜德昭號雲衢星六公孫任直隸邢臺縣西黃村巡檢
調直隸按察使司理刑廳

袁昕號霞城淹通經史善吟咏著有半畝軒詩集隨父
植修任因風波險阻不令就試後以廣西上林縣丞
署興業縣事時石逆由豫章竄粵西勢甚猖狂昕招
集團練謂孤城不可獨守設伏於城外險要眾怯昕
曰城存與存城亡與亡何怯焉賊至昕奮臂一呼伏
兵四出賊遁城賴以全卓異署陸川補羅城知縣
劉宗天字子昭康熙戊午武舉己未進士掌陝西臨洮

黃陂縣誌

卷之八

三

府蘭州衛屯田

誥封懷遠將軍

蔡應謨字維三康熙辛酉武舉力學不倦秉性剛直不
避權貴族人長幼咸畏敬焉著有牧吹詩集鳳棲草
堂詩集

蕭起鳳字漢陞康熙丙子武舉庚戌進士歷任甘肅洪
水營游擊邊地少雨公侯雪消引水溉田建閘修堤
以時蓄洩立義學以修文教足茶數以惠蕃民調廉
州營計擒海盜奸宄潛消颶風爲災協縣捐賑卒於

官

周嘯字文山康熙丙午武舉癸丑進士選福建守備缺
裁補吉州舊有巡河陋規公曰吾安忍汎兵膏血供
人色笑甯挂冠勿澳忍也盡汰革民苦運京倉米公
請照接運例運速而役均又奉調汰兵開墾公請汰
一兵非老卽弱難充開墾之數撫軍嘉之曰是片紙而
造無窮之福者也議竟止

曾大觀字靜齋聰識好學善騎射尤工文詞一試不售
棄就武庠乾隆乙卯武舉嘉慶己未進士榜眼及第

黃陂縣誌

卷之八

五

御前侍衛

賞戴花翎授楓嶺遊擊楓界三省爲逋逃藪公匹馬入其
巢繫爲首三人羣情遂安薦陞浙江衢州總鎮福建
建甯總鎮旋陞福建陸路提督以疾告歸一載卒公
善書輯史鑑有益身心者爲一書道光間臺灣陳逆
跳梁公撥標下兵協勦有千總某騷擾首跣立毆斃
之軍人悚慄其治軍之嚴如此故往勦卽平入

覲數次蒙

綸音褒嘉曰真我朝福將也子四長傳翰蔭生通判次鑑

衡廣東監經歷次傳鼎武舉任廣東守備保舉都司
藍翎次傳甲武舉兵部差官

廩生李又庚校對

黃陂縣志

卷八

三

陳明德大房敬刊

